



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

03.08.2023

421--son

### **Toshkent davlat yuridik universiteti rektorining 2023-yil 26-maydagi “Talabalar safiga qabul qilish to‘g‘risida”gi 323-tm-son buyrug‘ini bekor qilish haqida**

O‘zbekiston Respublikasi Prezidentining 2022-yil 15-iyundagi “Davlat oliy ta’lim muassasalariga o‘qishga qabul qilish jarayonlarini tashkil etish to‘g‘risida”gi PQ–279-son qarori, O‘zbekiston Respublikasi Vazirlar Mahkamasining 2017-yil 20-iyundagi 393-son qarori, Shuningdek O‘zbekiston Respublikasi davlat oliy ta’lim muassasalariga o‘qishga qabul qilish jarayonlarini muvofiqlashtirish bo‘yicha Davlat komissiyasi majlisining 2022-yil 22-oktabrdagi 7-son hamda 2022-yil 8-noyabrdagi 8-son majlis bayonlariga muvofiq, Rossiya Federatsiyasining Ukraina Respublikasi bilan chegaradosh Bryansk hududidan O‘zbekiston Respublikasi fuqarolari Toshkent davlat yuridik universitetiga o‘qishini ko‘chirish maqsadida hujjat topshirganligi, shunga ko‘ra O‘zbekiston Respublikasi Oliy ta’lim, fan va innovatsiyalar vazirligi tomonidan 2023-yil 24-martdagi 87-02-145-son xatiga asosan 11 nafar fuqarolarni belgilangan tartibda o‘qishga qabul qilish bo‘yicha ro‘yxati yuborilganligiga asosan Toshkent davlat yuridik universiteti (keyingi o‘rinlarda – TDYU) rektorining Dars mashg‘ulotlariga qatnashishga ruxsat berish to‘g‘risidagi 2023-yil 3-apreldagi 188-tm-son buyrug‘i qabul qilinganligi, hamda TDYU tomonidan 2023-yil 5-aprel kuni 7/1324-14-son xat orqali ularning hujjatlarini olib kelish uchun akademik I.G. Petrovskiy nomidagi Bryansk davlat universitetiga (keyingi o‘rinlarda – BDU) aloqa xati yuborilganligi, mazkur xatga asosan BDU talabalarining hujjatlarini berib yuborganligi, hamda TDYUga 3-xil mazmundagi javob xati yuborganligi, ularning 1-xatida ro‘yxatda ko‘rsatilgan talabalar rostan ham mazkur universitetda tahsil olishini, 2-xatida ro‘yxatdagi talabalar o‘qimasligi, 3-xatida to‘lov-kontraktdan qarzдорligi bo‘lganligini ma’lum qilganligi, mazkur xatlarga asosan hujjatlarini taqdim qilgan 10 nafar fuqarolar TDYU rektorining 2023-yil 26-maydagi 323-son buyrug‘iga asosan talabalar safiga qabul qilinganligi, Shuningdek, Oliy ta’lim, fan va innovatsiyalar vazirligi tomonidan 2023-yil 16-iyundagi 3/10-1-2136-son xatiga asosan O‘zbekiston Respublikasi Tashqi ishlar vazirligi tomonidan 2023-yil 2-iyunda kelib tushgan 04-3/7570-son xatiga ko‘ra BDUda “tahsil olayotgan” talabalarining o‘qishini ko‘chirish rejalashtirilgan oliygohlarga murojaatlari

ko'payganligini va O'zbekiston oliy ta'lim muassasalari murojaatlariga BDUDan rad javobi olinayotganligiga aniqlik kiritish maqsadida, Elchixonona tomonidan joriy yilning 26-may kuni BDUning o'quv ishlari bo'yicha prorektori A. Kalosha suhbat o'tkazilganligi, suhbat davomida universitetda 5 nafar O'zbekiston talabalari tahsil olayotganligi va mazkur talabalar to'g'risida ma'lumotlar universitet tomonidan yuborilayotganligini ma'lum qilganligi, shuningdek Prorektordan olingan xabarlarga ko'ra O'zbekiston OTMlariga taqdim qilingan ma'lumotnomalar universitet tomonidan berilmaganligi va ushbu ma'lumotlar universitet tomonidan tekshirilganda qalbakilashtirilganligi va mazkur sertifikatlar mavjud emasligi aniqlanganligi, shuningdek BDU tomonidan 2023-yil 2-fevral kuni Elchixononaga yuborilgan 05-15-01-sonli xat va uning ilovasidagi ma'lumot soxtalashtirilganligi hamda uni tayyorlagan insonlar ta'lim muassasaning elektron manziliga o'xshash manzil yaratib yuborganligi aniqlanganligi, shunga ko'ra TDYU tomonidan BDUGa 2023-yil 6-iyul kuni navbatdagi 7/2812-14-son xati yuborilganligi, BDU tomonidan 2023-yil 10-iyulda kelib tushgan 05-13-34-son xati asosan ro'yxatda ko'rsatilgan talabalar mazkur universitetda tahsil olmaganligi va ularning hujjatlari qalbakilashtirilganligiga asosan hamda talabalarni o'qishdan chetlashtirish bo'yicha umumiy prinsiplarga muvofiq,

#### **BUYURAMAN:**

1. O'zbekiston Respublikasi Oliy ta'lim, fan va innovatsiyalar vazirligining 2023-yil 16-iyundagi 3/10-1/4-2136-son xati, Tashqi ishlar vazirligining 2023-yil 2-iyundagi 04-3/7570-son xati hamda BDUning 2023-yil 10-iyuldagi 05-13-34-son xati ma'lumot va ijro uchun qabul qilinsin.

2. TDYU rektorining 2023-yil 26-maydagi "Talabalar safiga qabul qilish to'g'risida"gi 323-tm-son buyrug'i o'z kuchini yo'qotgan deb hisoblansin.

3. 2022/2023 o'quv yilida Rossiya Federatsiyasining Ukraina Respublikasi bilan chegaradosh Bryansk hududidagi BDUDan TDYUGa o'qishini ko'chirgan fuqarolar dars mashg'ulotlariga kiritilmasin.

4. Fakultet dekanlari BDUDan o'qishdan ko'chirgan fuqarolarning hujjatlarini Qabul jarayonini tashkil etish bo'limiga taqdim etsin.

5. Qabul jarayonini tashkil etish bo'limi (Q. Musayev) o'qishini ko'chirgan fuqarolarning tegishli hujjatlar yig'ma jildlarini belgilangan tartibda huquqiy baho berish uchun Yunusobod tumani prokuraturasiga yuborsin.

6. Ta'lim shartnomalari va to'lovlarini muvofiqlashtirish bo'limi (I. Ro'ziboyev), Buxgalteriya (M. Parpiyev) va boshqa aloqador tarkibiy bo'linmalar bilan birgalikda fuqaro bilan tuzilgan shartnomani tegishli tartibda bekor qilsin hamda hisob-kitob ishlarini amalga oshirsin.

7. Devonxona (X. Abdullayev) mazkur buyruqni manfaatdor tarkibiy bo'linmalarga yetkazsin.

8. Ushbu buyruqning ijrosini nazorat qilishni o'z zimmasida qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Bosh mutaxassis

Q.MUSAYEV



## **Kelishildi:**

Bo'lim boshlig'i

S.RAJABBOYEV



Bosh buxgalter o'rinbosari

A.AXMURATOV



yuriskonsult

D.ALIBOYEV



Boshqarma boshlig'i

S.BOZAROV



Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

D.KAMALOVA



Dekan (fan doktori yoki fan doktori (Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki professor ilmiy unvoniga ega bo'lgan)

B.MUSAYEV



Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

A.BABADJANOV



Iqtisodchi

L.ABDUKADIROVA

